

ხ ე ლ შ ე კ რ უ ლ ე ბ ა

სახელმწიფო შესყიდვის შესახებ

გ.ტ. №5-13

ქ. თბილისი

17.01.2013 წ.

საქართველოს რეგიონული განვითარებისა და ინფრასტრუქტურის სამინისტროს სახელმწიფო საქვეუწყებო დაწესებულება – საქართველოს საავტომობილო გზების დეპარტამენტი, მისი თავმჯდომარის მოადგილის იოსებ ქადაგიშვილი სახით, შემდგომში – შემსყიდველი, ერთის მხრივ და შეზღუდული პასუხისმგებლობის საზოგადოება “თანადგომა-1” გაზეთ საქართველოს რესპუბლიკის გამომცემელი, მისი დირექტორის მარინა კანდელაკის სახით, შემდგომში – მიმწოდებელი, მეორეს მხრივ, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „რ“ ქვეპუნქტისა და შესყიდვების ერთიანი ელექტრონული სისტემით გამოცხადებული ტენდერის (SPA120029080) საფუძველზე, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1 ამ ხელშეკრულების საგანს წარმოადგენს მიმწოდებლის მიერ შემსყიდველი დაწესებულების საქმიანობასთან დაკავშირებული განცხადებების ბეჭდვის და გავრცელების მომსახურების (CPV79824000) განხორციელება, – შემდგომში მომსახურება.

მუხლი 2. ღირებულება და ანგარიშსწორების წესი

2.1. ხელშეკრულების ჯამური ღირებულება შეადგენს 14 099.85 (ოთხმეტი ათას ოთხმოცდაცხრამეტი ლარი და 85 თეთრი) ლარს.

2.2. მხარეები ანგარიშსწორებას ახორციელებენ ამ ხელშეკრულებით გათვალისწინებულ რეკვიზიტებზე, უნაღლო ანგარიშსწორების ფორმით.

2.3. შემსყიდველი ანგარიშსწორებას ახორციელებს მიმწოდებლის მიერ ფაქტიურად გაწეული მომსახურების ღირებულების ანგარიშ-ფაქტურის წარდგენიდან 15 საბანკო დღის განმავლობაში. მიმწოდებელი უფლებამოსილია გაწეულ მომსახურებაზე შემსყიდველს მოსთხოვოს ანგარიშსწორება, მხოლოდ ამ ხელშეკრულების მე-4 მუხლში აღნიშნული მიღება-ჩაბარების აქტის გაფორმების შემდგომ.

მუხლი 3. მომსახურების შესაბამისობა

3.1 ხელშეკრულების 1.1 პუნქტით გათვალისწინებული მომსახურება უნდა შეესაბამებოდეს მსგავსი მომსახურებისათვის უკვე არსებულ სტანდარტებს.

3.2 3.1 პუნქტში აღნიშნული ნორმიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს მომსახურება ან/და მიმწოდებლის მიმართ გამოიყენოს ამ ხელშეკრულებით და საქართველოს კანონმდებლობით გათვალისწინებული პასუხისმგებლობის ზომები.

მუხლი 4. მომსახურების მიღება-ჩაბარების წესი

4.1. გაწეული მომსახურების მიღება ხორციელდება მიმწოდებლის ადგილსამყოფელის მიხედვით.

4.2. შემსყიდველი მომსახურების მიღებას აწარმოებს მიმწოდებლის მიერ ფაქტიურად გაწეული მომსახურების მიხედვით.

4.3. მიმწოდებლის მიერ გაწეული მომსახურება მიღებულად ჩაითვლება მხოლოდ შესაბამისი მიღება-ჩაბარების აქტის გაფორმების შემდეგ.

4.4. ამ ხელშეკრულებით გათვალისწინებული მომსახურების შემოწმებასა და მიღება-ჩაბარებას ახორციელებს შემსყიდველის შესაბამისი სტრუქტურული ერთეულები – საავტომობილო გზების ადმინისტრაცია და საავტომობილო გზების საერთაშორისო პროექტების სამმართველო, თავიანთი კომპეტენციის ფარგლებში.

მუხლი 5. მხარეთა უფლება-მოვალეობანი

5.1. მიმწოდებელი ვალდებულია:

- ა) მომსახურება განახორციელოს ამ ხელშეკრულებით გათვალისწინებული მოცულობების შესაბამისად;
- ბ) მომსახურების პროცესში იხელმძღვანელოს ამ ხელშეკრულების 3.1. პუნქტში გათვალისწინებული პირობით;
- გ) დაიცვას ამ ხელშეკრულებით გათვალისწინებული ვადები;
- დ) შემსყიდველის საჭიროების შემთხვევაში უზრუნველყოს განცხადების ინგლისურენოვანი ტექსტის ბეჭდვა საქართველოში გამომავალ ინგლისურენოვან გამოცემაში
- ე) საკუთარი ხარჯებით უზრუნველყოს ამ ხელშეკრულებით გათვალისწინებული ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

5.2. შემსყიდველი ვალდებულია:

- ა) შეუფერხებლად აუნაზღაუროს მიმწოდებელს გაწეული მომსახურების ღირებულება ამ ხელშეკრულებით გათვალისწინებული ვადების შესაბამისად;
- ბ) მიმწოდებელთან ერთად აწარმოოს ინსპექტირება ამ ხელშეკრულებით გათვალისწინებული პირობების შესრულების მიმდინარეობაზე;

მუხლი 6 ფორს-მაჟორი

6.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ ვალდებულებების შეუსრულებლობა გამოწვეულია დაუძლეველი ძალის (სტიქიური უბედურება, ეპიდემია, ომი, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომლის წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

6.2. მხარე, რომელსაც მიზეზად დაუძლეველი ძალის მოვლენები მოჰყავს, ვალდებულია დაუყოვნებლივ აცნობოს მეორე მხარეს წერილობით ასეთი მოვლენების დადგომის თაობაზე. ამასთან, მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ არსებითად ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

მუხლი 7. პასუხისმგებლობა

7.1. ხელშეკრულების პირობების შეუსრულებლობის ან არაჯეროვნად შესრულებისათვის დამრღვევი მხარე ვალდებულია მეორე მხარის მოთხოვნისთანავე გადაუხადოს მას პირგასამტეხლოს სახით ხელშეკრულების ჯამური ღირებულების 1% არაუგვიანეს 14 საბანკო დღეში და უზრუნველყოს დარღვეული უფლების დაუყოვნებლივ გამოსწორება.

7.2 იმ შემთხვევაში, თუ მიმწოდებელზე ხელშეკრულების პირობების დაღვევის გამო დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 2 (ორი) პროცენტს, მეორე მხარეს უფლება აქვს ცალმხრივად შეწყვიტოს ხელშეკრულება.

მუხლი 8. სხვა პირობები

8.1 ხელშეკრულება ძალაში შედის მხარეთა მიერ მისი ხელმოწერისთანავე და მოქმედებს 2013 წლის 31 დეკემბრამდე.

8.2 ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.

8.3. იმ შემთხვევაში, თუ მომსახურების გაწევის დროს ამ ხელშეკრულების ღირებულებისა და ანგარიშსწორებიდან გამომდინარე, ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების

8.3. იმ შემთხვევაში, თუ მომსახურების გაწევის დროს ამ ხელშეკრულების ღირებულებისა და ანგარიშსწორებიდან გამომდინარე, ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების გადასინჯვის შესაძლებლობა, ასეთი ცვლილებები დასაშვებია წინამდებარე ხელშეკრულების საერთო შინაარსის ფარგლებში და ცვლილებების შეტანის ინიციატორი მხარე ვალდებულია წერილობით შეატყობინოს მეორე მხარეს შესაბამისი დასაბუთებული ინფორმაცია.

8.4. წინამდებარე ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

8.5. მხარეთა შორის წარმოშობილი სადავო საკითხები წყდება ურთიერთშეთანხმებითა და მოლაპარაკებების გზით. იმ შემთხვევაში, თუ შეთანხმება არ იქნება მიღწეული უთანხმოების წარმოშობიდან 30 დღის განმავლობაში, დავა გადაწყდება სასამართლოს მეშვეობით საქართველოს კანონმდებლობის შესაბამისად.

8.6 ხელშეკრულება შედგენილია ქართულ ენაზე ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი შემსყიდველთან და ერთი პირი მიმწოდებელთან). ხელშეკრულებასთან დაკავშირებული ნებისმიერი მიმწერა შესრულებული უნდა იყოს ქართულ ენაზე.

მუხლი 9. მხარეთა რეკვიზიტები და ხელმოწერები

შემსყიდველი:

საქართველოს რეგიონული განვითარებისა და ინფრასტრუქტურის სამინისტროს საქართველოს საავტომობილო გზების დეპარტამენტი, მის. საქართველო, თბილისი, ალ. ყაზბეგის გამზირი №12, საიდენტიფიკაციო კოდი 211 343 982, საბანკო რეკვიზიტები: სახელმწიფო ხაზინა, ბ/კ TRESGE22, ანგარიშის №200122900.



[Handwritten signature in blue ink]

იოსებ ქადაგიშვილი

მიმწოდებელი:

შეზღუდული პასუხისმგებლობის საზოგადოება "თანადგომა-1"-ი გაზეთ საქართველოს რესპუბლიკის გამომცემელი, იურიდიული მისამართი: საქართველო, ქ. თბილისი, დ. აღმაშენებლის გამზ. №150, ფაქტიური მისამართი: საქართველო, ქ. თბილისი, გ. ახვლედიანის ქ. №19, საიდენტიფიკაციო კოდი 202 411 808, საბანკო რეკვიზიტები: ს.ს. „საქართველოს ბანკი“, ბ/კ BAGAGE22, ანგარიშის №GE97 BG00 0000 0212 4085 00



სელმოწერა

[Handwritten signature in blue ink]

მარინა კანდელაკი

[Additional handwritten signatures and notes at the bottom of the page]



შპს „თანადგომა-1“
 გაერთიანებული საქართველოს რესპუბლიკის გათვალისწინებული
 LTD "TANADGOMA-1"

დავით
 აღმაშენებლის
 150

16 იანვარი 2013 წელი.

ტელ:
 298-65-87;
 599 79-76-79

თქვენი, 08-01-04/94 წერილის პასუხად ტექნიკური დოკუმენტაციის დაზუსტების მიზნით, გაცნობებთ, რომ, თქვენი მოთხოვნის შესაბამისად თქვენს მიიერ მოწოდებული განცხადებების გამოქვეყნება და გავრცელება უზრუნველყოფილი იქნება, ინგლისურ ენოვან გაზეთ "Georgian Journal"-ში.

ასევე, წარმოგიდგენთ, დაზუსტებულ ხარჯთ-აღრიცხვას.

ბეჭდურ პრესაში გამოქვეყნების მომსახურების მოწოდებას გთავაზობთ 14 099.85 ლარად.

მომსახურების დასახელება	განზ. ერთ.	რაოდენობა	ფასი (ლარი)	
			ერთ	საერთო
პრესის მეშვეობით განცხადებების ბეჭდვა და გავრცელება	სმ ²	45 000	0.31333	14 099.85
ჯამური ღირებულება		45 000	0.31333	14 099.85

ჩვენს მიერ შემოთავაზებულ სატენდერო წინადადების ფასში გათვალისწინებულია საქართველოს კანონმდებლობით დადგენილი ყველა გადასახადი.

დირექტორი:

[Handwritten signature]



მარინა კანდელაკი

[Handwritten signature in blue ink]

[Handwritten signature]

